

25.november

Suliffissaqartsitsineq aalisarnermillu inuussutissarsiuteqarneq patajaallisarniarlugit qanoq iliorluta suliffissuit puttasut tunitsiviullutillu tunisassiorfiusut siuarsarnissaat pillugu apeqquteqaat aallaavingalugu oqallinnissamik siunnersuut.

(Inatsisartunut ilaasortaq Jens Immanuelson, Siumut)

Nunatsinni sinerissap qanittuani aalisarneq tunitsiveqarnikkut ajornartorsiortoq unammilleqatigiiffiunngitsuni ilisimaaraarput, aalisakkallu maneruttortut tunitsivissaaruttarneq sineriapput ataatsimut isingalugu annertuvoq siuariartornissaraluamullu noqitsisut annerpaat ilagaat.

Imartarujussuarput tassaniittullu pisuussutit uumassusillit nunatta aningaasaqarneranut atorluasagutsigit tunitsiviit puttasut saneqqussinnaanngilavut, taakkuuppummi tunitsiveqarnikkut ajornartorsiortoqalerpat eqaatsumik ajornartorsiummik qaangiisitsisinnaasut, tunisassianillu assartuisoqanngikkaluarpalluunniit namminneerlutik tunisassiaminnik umiarsualivinnut ingerlatsisinnaasut.

Soorunami aamma periarfissalinni allilerisarnissaq pisariaqartarumaarpoq, massakkulli killiffipput qiviarutsigu annertunerusumik avammut niivernissaraluatsinni inerisaanikkut kinguartooqanerput isiginngitsuusaarneqarsinnaajunnaaqqavoq, sanaartorerit aquserniornerit nukissiuuteqarnerillu aporfiulersimasut noqitsisuutissanngikkutsigit eqaannerusumik piaartumik umiarsualiisarnissaq aqutissiuunneqartariaqarpoq.

Nunatta aningaasaq pisariaqartippaa, nunatsinnullu aningaasat tapiissutaasartut ukiumut naleqassutsimikkut 50 miliuunit missarpiaanik appariaateqartartut matussusissagutsigit aalisakaat qallorneqartut annertunerulersittariaqarpavut, taamaaliornissatsinnullu aporfiit annertunerpaat ilaat tunitsiviliisarnikkut qaangerneqarsinnaapput.

Taamatut naatsumik oqaaseqarluta Inatsisartunut Ilaasortaq Jens Immanuelson-ip Inatsisartut oqaaseqaatissaattut siunnersuutaa Siumumiik tamakkiisumik taperserparput.

Nikolaj Jeremiassen

Siumut